

樞

垣

記

略

樞垣記略卷之十九

題名五

漢軍機章京

俞誦芬

字茗溪安徽婺源人嘉慶己卯進士道光二年閏三月由戶部主事入直官至汀漳龍道

傅繩勛

字秋坪山東聊城人嘉慶甲戌進士道光二年八月由工部主事入直官至江蘇巡撫

蔡勳

字槐卿廣東莞人嘉慶己卯舉人道光二年八月由刑部主事入直官至吉安府知府

趙榮

字斗垣江蘇上海人文哲孫秉淵姪嘉慶丁丑進士道光二年九月由內閣中書入直

朱達吉

字穎毅浙江嘉興人嘉慶甲戌進士道光四年十月由內閣中書入直官至廣東督糧道

張祥河

字詩齡江蘇婁縣人嘉慶庚辰進士道光四年十一月由內閣中書入直官至工部尚書謚溫

和

龍汝言

字子嘉安徽桐城人嘉慶甲戌狀元道光四年十一月由內閣中書入直官至兵部員外郎

周濤

字聽松貴州貴筑人嘉慶庚辰進士道光五年八月由兵部主事入直官至河間府知府

汪元爵

字竹君江蘇鎮洋人彥博姪嘉慶戊寅舉人道光七年正月由內閣中書入直官至刑部郎中

徐思荃

字穎堦江西龍南人入直道道光七年閏五月由刑部主事入直

方銘彝

字悔軒安徽定遠人嘉慶己卯舉人道道光七年閏五月由內閣中書入直官至刑部郎中

鄭喬林

字春溪河南羅山人嘉慶癸酉拔貢道光七年七月由工部主事入直官至順德府知府

許球

字玉叔安徽歙縣人道光癸未進士八年正月由吏部主事入直官至兗沂曹濟道

何汝霖

己見大臣道光八年五月由工部主事入直

王藻

字菽原江蘇通州人道光壬午進士八年五月由禮部主事入直官至湖南布政使

徐璣

字韞齋安徽歙縣人嘉慶丁丑進士道光十年十月由工部員外郎入直官至湖北按察使

湯鵬

字海秋湖南益陽人道光癸未進士十一年五月由禮部主事入直官至御史改戶部郎中

鄭瑞麒

字瑩園福建閩縣人嘉慶己卯進士道光十一年七月由內閣中書入直官至慶遠府知府

萬貢珍

字蠡門江蘇宜興人道光癸未進士十一年八月由戶部主事入直官至湖南布政使大理寺卿

王廣業

字子勤江蘇泰州人道光丙戌進士十一年十月由兵部郎中入直官至漳州府知府

程庭桂

字楞香江蘇吳縣人道光丙戌進士十一年十二月由刑部主事入直官至都察院左副都御史

陳孚恩

己見大臣道光十二年六月由吏部主事入直

江紹禧

字飲吉江蘇儀徵人道光癸未進士十二年九月由刑部主事入直官至刑部郎中

彭蘊章

己見大臣道光十三年七月由內閣中書入直復中乙未進士

朱應元

字慎菴浙江秀水人道光丙戌進士十三年十月由工部主事入直官至慶陽府知府

劉戢昌

字仲寅貴州大定人道光十三年十二月由兵部主事入直官至南韶連道

王寅

字琴槎湖南武陵人道光己丑進士十四年三月由戶部主事入直

馬麗文

字郁齋湖北蒲圻人道光癸未進士十四年三月由禮部主事入直官至雲南候補道

王積順

字若溪浙江仁和人道光癸巳進士十四年五月由內閣中書入直官至刑部員外郎

林揚祖

字帖瞻福建莆田人道光己丑進士十四年七月由刑部主事入直官甘肅布政使

胡增瑞

字典齋江西萍鄉人道光壬辰進士十五年

陳本欽

字堯農湖南長沙人道光壬辰進士十六年二

吳清皋

字小穀浙江錢塘人嘉慶癸酉舉人道光十六

何桂馨

字一山江蘇吳縣人道光己丑進士十六年四

江鴻升

字羽雲福建閩縣人道光己丑進士十七年八

潘鐸

字木君江蘇江甯人道光壬辰進士十七年九

王桂

字秋卿江蘇甘泉人道光己丑進士十七年十

顏以燠

字敘五廣東連平州人嘉慶丙子舉人道光十

汪本銓

字衡市江蘇陽湖人道光己丑進士十九年四

喬晉芳

字心農山西聞喜人道光乙未探花十九年五月由刑部主事入直官至常德府知府

吳光業

字補之江西南豐人道光壬辰進士十九年七月由刑部主事入直官至內閣侍讀學士

宗稷辰

字滌樓浙江會稽人道光辛巳舉人二十年五月由內閣中書入直官至運河道

梁瀚

字海樓陝西鄠縣人道光丙申進士二十年五月由兵部主事入直官至戶部侍郎

程恭壽

字容伯浙江錢塘人道光己亥舉人二十年六月由刑部主事入直官光祿寺少卿

莊心省

字西樵廣東番禺人道光壬辰進士二十年七月由戶部主事入直官至戶部郎中

聶灃

字雨颺陝西涇陽人道光甲午舉人二十二年四月由禮部主事入直官候補五品京堂

朱憲曾

字鐵琴順天涿州人道光癸巳進士二十二年五月由吏部主事入直

孔慶鋤

字誠甫山東曲阜人道光丙申進士二十二年十月由工部主事入直官至貴州按察使

朱麗宣

字靈堂江蘇荆溪人道光癸巳進士二十二年十月由工部主事入直官至工部員外郎

袁甲三

字午橋河南項城人道光乙未進士二十三年四月由禮部主事入直官至漕運總督諡端敏

吳士楨

字誦芬順天大興人道光九年由內閣中書入直舉人二十三年

鍾啟峒

字伯平江西興國人道光二十四年二月由兵部七品小京堂入直復中乙巳進士官至翰林院侍讀贈四品京堂

吳福年

字竹崖浙江錢塘人道光二十四年四月由內閣中書入直復中乙巳探花官至翰林院侍讀學士

林映棠

字樹南四川奉節人道光乙未進士二十四年九月由禮部主事入直官至興安府知府贈光祿寺卿銜

王發桂

字笑山直隸清苑人道光丙申進士二十四年九月由禮部主事入直官至工部侍郎

邵懿辰

字位西浙江仁和人道光辛卯舉人二十五年五月由內閣中書入直官至刑部員外郎
道銜四品卿銜 贈

劉子城

字雉峰直隸滄州人道光丁酉拔貢二十五年五月由吏部主事入直官至湖北鹽法道

王本梧

字琴仙浙江鄞縣人道光乙酉拔貢二十五年十一月由兵部員外郎入直官至吉安府知府

贈道銜

文嶽英

字小南湖南衡山人道光庚子舉人二十六年正月由戶部主事入直

吳嘉淦

字清如江蘇吳縣人道光戊戌進士二十六年二月由內閣中書入直官至戶部員外郎

曹毓瑛

字見大臣道光二十六年閏五月由兵部主事入直

汪渠

字心蘭直隸涿州人道光甲辰舉人二十六年

段晴川

字春湖河南溫縣人道光丁酉拔貢二十六年

蔣錫綬

字幼竹江蘇長洲人道光丁酉拔貢二十八年

胡嘉楷

字熙伯江蘇江甯人道光丁酉拔貢二十九年

畢至

字春亭湖北蕪湖水人道光乙未進士二十九年

陳鴻翊

字仲鸞順天府河間人道光戊戌進士二十九年

丁守存

字竹溪山東日照人道光乙未進士二十九年

胡家玉

字見大臣道光二十九年五月由刑部主事入

焦祜瀛

字見大臣咸豐元年三月由內閣中書入直

錢寶青

字萍江浙江嘉善人道光辛丑進士咸豐元年七月由戶部主事入直官至都察院副都御史

吳台朗

字大垣江蘇丹徒人道光庚子進士咸豐元年八月由禮部主事入直官至山東候補道

錢以同

字小蘭江蘇華亭人道光戊戌進士咸豐元年閏八月由兵部主事入直官至道御史

李汝楫

字濟川雲南會澤人道光丁酉拔貢咸豐元年十月由刑部主事入直官至四川候補知府

林壽圖

字穎叔福建閩縣人道光乙巳進士咸豐二年正月由工部主事入直官陝西布政使

程祖誥

字覃叔安徽休甯人道光庚戌進士咸豐二年三月由戶部主事入直現官宗人府丞

吳兆麟

字筠軒浙江錢塘人道光壬辰舉人咸豐二年二月由內閣中書入直官江西鹽法道

賀壽慈

字雲甫湖北蒲圻人道光辛丑進士咸豐三年二月由吏部主事入直現官都察院左都御史

鄧廷枏

字雙坡廣西新甯人道光甲辰進士咸豐三年二月由工部主事入直官廣東布政使

張金鑒

字子明廣東東莞人道光甲辰進士咸豐三年二月由禮部主事入直官至候選郎中

李德莪

字夢生江蘇新陽人道光甲辰進士咸豐三年二月由工部主事入直現官貴東道

段承實

字芳山江西南昌人道光己亥舉人咸豐三年四月由內閣中書入直官至刑部員外郎

梁經先

原名景先字義初陝西三原人道光乙巳進士咸豐三年五月由工部主事入直現官河南道御史

郭祥瑞

字玉麓河南新鄉人道光丁未進士咸豐三年六月由戶部主事入直官至廣東按察使

裴季芳

字石麓河南祥符人道光丁未進士咸豐三年六月由內閣中書入直官至候選知府

白恩佑

字蘭岩山西介休人道光丁未進士咸豐三年六月由工部主事入直官湖南鹽法道

章倬標

字果堂浙江金華人道光丁未進士咸豐三年九月由禮部主事入直現官福建候補道

曾協均

字篁巢江西南城人燭子道光癸卯舉人咸豐三年十二月由內閣中書入直官慶遠府知府

王錫振

更名拯字少霍廣西馬平人道光辛丑進士咸豐四年正月由戶部主事入直官至通政使司通政使

鄭錫瀛

字惕庵順天大興人道光乙巳進士咸豐四年二月由吏部主事入直官至都察院副都御史

洗斌

字雲樵廣東南海人道光辛丑進士咸豐四年二月由工部主事入直官廬州府知府

夏獻雲

字芝岑江西新建人道光己酉拔貢咸豐四年三月由刑部七品小京官入直現官湖南督糧道

謝謙亨

字吉六福建長泰人道光乙巳進士咸豐四年九月由刑部主事入直

蔣超伯

字叔起江蘇江都人道光乙巳進士咸豐七年十月由刑部主事入直官廣東候補道

康錫齡

字子錫 山西興縣人 紹鏞孫 道光丁酉拔貢 咸豐七年十月由戶部員外郎入直官至延榆綏道

朱夢元

字景唐 江西貴溪人 道光甲辰進士 咸豐八年三月由刑部員外郎入直官至通政使司通政使

方鼎銳

字子穎 江蘇儀徵人 咸豐壬子舉人 八年五月由內閣中書入直現官溫處道

朱學勤

字修伯 浙江仁和人 咸豐癸丑進士 八年五月由戶部主事入直官至大理寺卿

朱智

字茗篲 浙江錢塘人 咸豐辛亥舉人 八年七月由工部主事入直現官太僕寺卿

張德容

字松坪 浙江西安人 咸豐癸丑進士 九年八月由刑部主事入直現官岳州府知府

靳邦慶

字迪丞 廣西臨桂人 咸豐癸丑進士 九年十月由吏部主事入直現官衡州府知府

許庚身

字星叔浙江錢塘人乃晉姪咸豐九年十一月由內閣典籍入直復中同治壬戌進士現官光祿寺卿

蔣繼洙

字椒林山東曲阜人道光庚戌進士咸豐九年十二月由工部主事入直現官廣信府知府

蔡兆槐

字植三江蘇崇明人咸豐癸丑進士十年三月由戶部主事入直現官榆林府知府

杜來錫

字榮三河南新鄉人咸豐癸丑進士十年五月由工部主事入直官至朔平府知府

王恩炳

字周生江蘇高郵人咸豐六年欽賜舉人十年五月由內閣中書入直

錢應溥

字子密浙江嘉興人道光己酉拔貢咸豐十年七月由吏部主事入直

范運鵬

字搏九四川龍昌人咸豐丙辰進士十年十月由戶部主事入直官鳳陽府知府

龔聘英

字莘甫江蘇崇明人咸豐十年十月由刑部主事入直復中同治壬戌進士官至翰林院編修

沈淮

字桐甫浙江鄞縣人道光己酉舉人咸豐十年十月由內閣中書入直官至陝西道御史

江人鏡

字蓉舫安徽婺源人道光己酉舉人咸豐十年十月由內閣中書入直現官太原府知府

李廷簫

字小軒湖北黃安人咸豐癸丑進士十年十月由戶部主事入直現官陝西道御史

周瑞清

字鑑湖廣西臨桂人咸豐己未進士十一年十月由刑部主事入直現官太常寺少卿

何熾之

字柳門廣東番禺人咸豐乙卯舉人十一年十月由工部郎中入直

區公輔

字孟簪廣東番禺人咸豐辛亥舉人十一年十月由戶部主事入直

龔嘉雋

字幼安雲南昆明人咸豐丙辰進士同治元年二月由禮部員外郎入直現官紹興府知府

陳元楷

字玉珊廣東順德人道光庚戌進士同治元年四月由吏部郎中入直

王汝訥

字子默直隸蘇州人咸豐庚申進士同治元年四月由工部主事入直官至青州府知府

馮柏年

字鶴崖直隸天津人道光己亥舉人同治元年六月由內閣中書入直官至江甯府知府

徐用儀

字小雲浙江海鹽人咸豐己未舉人同治元年八月由刑部主事入直官鴻臚寺少卿候補四品京堂

史崧秀

字琴孫江蘇溧陽人咸豐丙辰進士同治元年八月由吏部主事入直現官敘州府知府

邵文煦

字茗仙浙江餘姚人咸豐辛亥舉人同治元年八月由內閣中書入直官刑部候補主事

徐景軾

字肖坡安徽歙縣人咸豐丙辰進士同治二年五月由禮部主事入直現官雅州府知府

方熊祥

字子望浙江仁和人咸豐癸丑進士同治二年六月由戶部主事入直官興化府知府

葉衍蘭

字蘭臺廣東番禺人咸豐丙辰進士同治三年五月由戶部主事入直現官戶部員外郎

蕭庭滋

字潤宇貴州開州人咸豐戊午舉人同治四年正月由兵部員外郎入直

吳國杰

字超伯安徽休甯人道光己酉舉人同治六年五月由兵部主事入直

金日修

字少伯浙江錢塘人同治乙丑進士六年六月由宗人府主事入直

梁僧寶

原名思問字穎倩廣東順德人咸豐己未進士同治七年閏四月由禮部員外郎入直官鴻臚

寺少卿

胡延夔

字子韶山西繁峙人咸豐丙辰進士同治七年九月由禮部主事入直現官禮部員外郎

陸爽棠

字憩雲江蘇太倉人咸豐辛亥舉人同治八年二月由刑部主事入直現官刑部郎中

張岳年

原名善偉字竹晨浙江鄞縣人咸豐壬子舉人同治八年二月由刑部主事入直現官刑部員

外郎

李耀奎

字菱舟直隸天津人咸豐辛亥舉人同治八年七月由內閣中書入直現官內閣侍讀

李方豫

字荆南江蘇江都人同治丁卯舉人九年四月

李士彬

字伯賢湖北蘄州人同治乙丑進士九年五月

丁鶴年

字仙譜漢軍鑲黃旗人同治甲子舉人九年八

沈源深

字叔眉河南祥符人咸豐庚申進士同治九年

魏邦翰

字季莚江蘇邳州人同治庚午舉人十年二月

陳毓秀

字慧卿江蘇江陰人同治乙丑進士十年五月

馮光勛

字伯紳江蘇陽湖人同治乙丑進士十年十二

李固恆

字少石河南鄭州人咸豐壬子舉人同治十一

余聯沅

字搢珥湖北孝感人同治壬戌舉人光緒元年

蕭韶

字杞山湖南清泉人同治丁卯舉人光緒元年

方恭銘

字壽甫浙江仁和人同治癸亥進士光緒元年

莊予楨

字幹林山東莒州人同治壬戌進士光緒元年

樞垣記略卷之十九

樞垣記略卷之二十

詩文一

汪由敦詩三首

春曉入直

魚鑰初傳曙色橫
風催殘漏有餘聲
遊仙難醒人間夢
換骨須從天上行
擁帚玉除春露重
捲簾溫室曉燈清
應知無上光明界
顧陸丹青畫不成

靜宜園侍直

聽鐘趨直趁晨鴉
簾捲前山片片霞
鈴索無聲封事少
一

鞭歸路日初斜

直廬卽事

晝長人散敞簾櫳宮漏三聲過未中
晚奏封章還待報坐看飛絮撲晴空

于敏中詩一首

申拂珊瑚光祿行帳中獲生麀一獻之
大庖異日卽以頒賜木蘭扈蹕佳話也
不可無詩紀其事輒賦六韻贈之
特拜全麀

賜頒從數獲餘喧傳徼祝得列獻射生如

是禮與從獵諸人所射生同列

傳以獻

食力償其願旌勞溯厥初幻殊迷鹿夢笑擬弄麀書

同人有舉此爲戲者

行炙誇賓客分鮮逮僕輿東方工割肉

拂瑯昨在宴次

每以善割自負

歸遺一軒渠

趙文哲詩一首

長歌行贈陸耳山

陸敬輿有荒莊趙元叔有空囊一貧至此非所恨但恨一出
一入相避成參商與君結交久樂事挂人口銷夏雲林
壁上泉餞春繡谷花前酒聞君昨從吳越賦皇華舊句已
籠碧紗否萬人海中藏我六載餘君亦冗寄宣南坊畔廬

深深青瑣闥滑滑白玉除十行之詔萬卷書與君朝朝暮
暮蛩駝如今春歌上

陵去秋歌出塞 屬車豹尾間簪筆兩人在偶然拍馬飲
飛前草檄飛書立而待壬午同年生與君同命鳥長安泥
爪何足誇別有千秋共懷抱我昨一跌君不知國門一出
十步三威遲計程謂當此傾蓋嗟哉楊朱淚灑歧路歧行
者萬里塗居者萬里心楚山嶄嶄水淫淫知君朝回一燈
對風雪夢中千巖萬壑與我同登臨陸敬輿趙元叔曷不
雲龍共追逐詩題日南至書到日東陸詠梅儻寄草堂篇

吹笛還酬武谿曲

陸燿詩三首

扈從木蘭賦贈同人屬和

地迴天高露氣清
行圍歲事有期程
關門不設防秋戍
壯士能歌出塞聲
霹靂手翻弓引滿
風飈蹄蹴馬騎生
短衣橐筆長楊裏
早愧相如作賦情

寓園雜詠和阮唐山同年

中庭促膝共籩廬
諸笑笑云云習未除
苛節刪於相熟後
淡懷長似訂交初
才華須讓連城璧
寒劣誰持下坂車
夜久

不知河轉角柳梢缺月挂方疎

敢笑趨公職事微每因戒旦切朝饑自牽羸馬呼奚僕已
見羣鵷集省闈宮漏傳聲催制草掖梧寒露濕朝衣在家
早起平生意莫怪勞薪偃息希

嚴長明詩一首

寄王蘭泉前輩

詔策籌邊第一功

恩光稠疊動昭融翔鸞音湛三槐露孔雀翎翻九棘風邦
典坐愁心鄭重

王綸手捧地尊崇

公入都後晉秩大理寺卿仍直樞庭

臨風莫道台光迴仰

首卿雲卽見公

趙翼詩六首

璞函落第後入直軍機詩以調之

吾家元叔今詩翁才名廿載雄江東弱不勝衣一把骨筆
力乃挽千鈞弓一朝獻賦入薇省長安詩社幾爲空我昨
讀君詩滿冊雅材百五妙驅策機杼織成七襄錦雲霞補
自五色石老樹著花霏遠香疎桐滴雨湛寒碧有時哀絲
彈寡女忽焉快劍擊俠客卽今此道論作家得不推袁虛

一席胡爲才高遇偏左兩試春官再被斥途窮阮籍思回
車去直樞曹應推擇自言日暮甘倒行冷官聊逐熱客迹
噫嘻此地吾舊遊直廬珥筆參國謀夜草軍機磨盾鼻曉
宜相麻促詞頭從獵每隨虎賁隊待漏慣聽雞人籌文章
報國儒者事固藉黼黻宜王猷獨惜君才不易得自今未
免分日力眼看名山業垂就忍把精神耗吏職丈夫窮達
會有命不如讀書飽胸臆竿進百尺步益艱丹將九還火
莫息期君速到蓬山巔寬間歲月恣討研卻將鎖院揮毫
手來作花輒應制篇

軍機夜直

鱗鱗鴛瓦露華生夜直深嚴聽漏聲地接星河雙闕迴職

供文字一官清蠻箋書剪三更燭神索風傳萬里兵

時方用兵

西陲

所愧才非船下水班聯虛忝侍承明

清切方知

聖主勞

手批軍報夜濡毫錦囊有策兵機密金匱無書

廟算高樂府佇聽朱鷺鼓

尙方早賜紫貂袍書生眊筆

慚何補不抵沙場斫賊刀

下直同漱田秋帆諸人郊行卽事

雨過青圻淨麴塵出郊人馬共欣欣
斑輪隻日餘雙日春已三分過二分
蝶趁衣香芳草路鴉銜祭肉夕陽墳
郊行景色真堪畫只少擔瓶一老軍

七十自述

東華初步軟塵紅移直樞曹地位崇
五夜趨朝雞唱月

九秋出塞馬趨風沈沈鎖院聽鈴索
漠漠周陸挽角弓六

載微勞差自慰西師及見告成功

補中書入直軍機前後凡六年時方用兵西陲

歷歷巢痕記憶真一時風景一時人
曾因瀑直深巖地及

事當朝老大臣門館無私心似水衣冠有慶物皆春只今

回首平津閣慚愧曾充上座賓

謂傳文忠注
文端二公

王承詩十四首

直廬曉坐

東華局已開 北闕鐘初響鳴鑣入建章
瑤彤躡宏敞殘月遠無痕明河高有象
直廬散微香封事猶未上偶與鷁鷺
行披襟勵誠讜松火轉茗鑪蘭膏映書幌
靜欣翰墨閒晴覺雲霞朗 禁地肅清嚴
簿書謝鞅掌慙非經世才謬作釣天想

歲暮蒙

賜魚雉鹿兔果品恭紀

臘祭行將舉 天廚已早頒
江魚冰蠶壯山雉錦翎斑
珍

合殊方產

恩深內殿班

惟乾清門侍衛軍機房章
京有之部院郎官皆不及也

徹來供晚膳歡

喜溢慈顏

常山峪晚直

馳道緣崖築 行宮傍嶺升
前驅先射虎別騎晚調鷹
夕

照千峯雨疎煙萬帳
燈秋風殘暑退涼氣滿衣稜

自熱河至張家營作

令典秋三月康莊第一程滄溟連雁塞古戍亘龍城禾黍
徵豐稔烽煙息太平何期章帶士得與飲飛行

紫塞盧龍北檀河又白河日暄乾稻廩風勁轉蓬科鳥雀
因寒聚鷄豚就食多義皇風俗古竹馬更婆娑

六十七圍場方輿及大荒秋高峯更翠霜重草全黃地界

卡倫接泉源淖爾長

每一圍場必有哈達山下有泉衆流積水謂之淖爾

彎環紅柵

在來往便戎行

圍場八旗分四正四隅相距二三十里不等近者或距六七里蓋中有山者始爲圍

場以山大則禽獸多山小則禽獸少故遠近不能一概也

木蘭園中和申光祿笏山韻

霓旌風急動龍蛇
跋馬秋原野徑斜
指點溪山真似畫
可無茅屋兩三家

歷盡孱顏鳥道平
萬峯頂上曉霜清
不妨預作登高會
只少藍輿載酒行

沙河纔過碧山開
古木秋深翠作堆
空谷何人能見賞
年年風雪老琴材

短衣茸帽曉迎風
塞雁行行度碧空
知是山程行過半
初

陽一抹樹梢紅

園中路程遠者不過三四十里近者乃十餘里每黎明啟行至曉日三竿則已抵下

督
矣

再次前韻

溪流曲曲綰秋蛇
列帳層層傍嶺斜
人語雞聲成小住
居然來往似鄰家

絕磴初開木棧平
蒼巖雨過十分清
書生忽欲誇身手
笑與期門縱轡行

旃門兩翼畫旗開
颯沓風生萬馬堆
今歲獻禽知倍富
龍

沙天驥正呈材

侍衛傳君靈安新從大宛市
馬歸高仇壯健異於常品

千林黃葉颭秋風
殘日初沈暮靄空
散直歸來頻覓路
停

鞭遙指帳燈紅

合圍後有鹿逸至金壇相國帳中繫以呈獻

特賜雙眼花翎以誌嘉瑞

四山萬騎殷雷霆黃閣開帷對翠屏豈有射聲來虎帳竟
同折角出龍庭八珍絡繹增仙膳雙眼勻圓耀彩翎總與
明良添盛事好傳佳話玉堂聽

相國時掌翰林院事

戴衢亨詩一首

送范攝生方葆巖隨尙書福侯赴臺灣平賊

男兒事業請長纓磨盾濡毫意氣橫閫外談諸資將略幕

中書記擅詩名旌旗下瀨魚龍伏鼓角從天猿鶴驚觀海
從戎心膽濶此行差不負平生

馮培詩二十首

和吳蠡濤新年初至 西苑韻

首春慣遵塗我馬意亦洽湖冰老漸消嵐翠秀堪掐緒風
蘇草樹初日亂鳬鴨橋喧簇魚竿泥活起花鍤入直欣事
簡遭逢此時恰曳佩鑾鳴空抽毫劍出匣趨走五色雲揮
灑十行劄境邃引蓬壺談雄倒江峽鈞樂飄管絃火戲幻
鱗甲詩翁詩格健牛耳齊盟狎自哂筵叩鐘元白故難壓

爲戴蓮士修撰紀事

阿濟格鳩開廣原秋場蹴踏萬馬屯雄雷急雪日數番鞭
梢湧出扶桑噉幔城山川朝

至尊飲飛負羽環爲門一鷹迸逸如星奔注矢競發追驚
魂有人突前氣欲吞赤手生搯林莽翻不用網隄及火燔
中黃愕視相顧言是何勇者育與賁瞻羆勢可移崑崙就
看雅度儒臣敦但有筆橐無刀韃獻禽

天子旋拜恩大庖波及逾春溫

帝曰前後兩狀元丙申舊事堪同論戴以繼于衣鉢存

陽詩有云狀元端是驪前聲大題小題獲則
同蓋以于敏中丙申歲國帳獲鹿事爲比

五十六字榮

光驚捧來寶敵千璵璠旁觀敢妬不敢喧我慙刺促駒局
轅側聞盛事須眉掀持螯執鹿誰輕軒一笑沃我松醪渾
興酣作詩稜可捫

和沈舫西用東坡清虛堂韻寄懷之作

瘦馬日踏河隄沙廂東聚散如蠶衙

軍機直房在山莊門東

自夏徂

秋氣候變卜歸尙杳燈無花吾生到處作萍梗何者爲客

何者家不能挽弓誇中鵠

時國人有隨班校射者

但令削札供塗鴉

吳興山水劇清遠有才京國流芬葩詩筍緘遞付驛使驪

珠錯落窮搜爬遙知右掖雨餘靜坡翁一卷澆新茶燃殘
官燭記寸刻數來禁鼓傳三摑懷人未得尊酒共赫蹏展
讀空長嗟相逢瓜代粲一笑掀髯對月杯斟霞

晚直

寂寥人散盡獨作後棲鴉只有青山對偏遲落日斜
林外靜魚鑰禁中賒暝色看徒御迎來白鼻騮

守晚者候
宮門上鎖

始歸僕夫控
馬以待也

七峯別墅月夜

春色在空冥烟高入夜清鳥巢落山牖魚背負潭星老樹

淨堪倚幽齋涼不扃塵勞頓披豁身世此浮萍

持醪酌殘雪中有梅花魂遠夢過江水新愁挂月村雪嵐
和慢卷石井抵牾溫已覺圓輝溢然燈近上元

早直

帶霧披闔闔晨光到恰開遞函封事少布堦射侯催樹色
濃於染峯陰溼似苔宵衣

天語出早問雨暘來

西苑退直

駘蕩韶光晝漏遲從容散直早春時日臨燕九仙雲近風

過秋千溫樹知聽徧啼鶯濃似酒飄來法曲裊如絲太平
多暇供吟賞依舊陳編信手披

和阮唐山前輩假宿七峯別墅之作

廢墅臨湖老屋椽白波浮動夕陽前歸林倦翼爭投暝臥
地殘峯不記年重剔秋燈追往事乍迴春夢破塵緣何如
木葉淮南夜商略西窗聽雨眠

直次無事戲作

直廬闐靜似茅菴坐臥何殊彌勒龕簾影欲搖雲滿屋鳥
聲疑對客清談添難官燭更初永強飯公廚味久諳日夕

枯毫無一字年來嬾過再眠蠶

陸籛菴方葆巖還京喜贈時同赴關隴者劉退谷汪首
禾裘可亭復值睢州河口漫溢往豫襄事並以寄懷

翩翩才調賦從軍隴右論功得五君人醉蒲桃初罷讌秋
深瓠子又離羣朝家事重河渠志官秩榮登戰伐勳

諸君

皆以軍功晉級

媿我不才空握槧編書想見柵摩雲

時承纂石峰堡紀略

七峯園舊有海棠一株甚繁茂今已枯萎和蠡濤韻

襖被衝寒直禁局紙窗寂歷短檠青一年駒隙匆匆過五
夜雞聲細細聽官事稍稍稀翻汗簡春光欲到動花鈴玉堂

未必眞天上隨處因緣是福庭

予與裴山俱
由翰林改官

陳蔭山舍人寄示灤河道中諸詠有山如太古誰能學
石不多言便可交之句蓋自況並以見贈也因賦此酬
其意

策馬無端又塞垣郵亭旅舍墨留痕詩堪記里前塵在人
貴知心古意敦一簣成時山可學八音諸處石能言與君
共結盟鷗侶海色江聲忝討論

聞劉樸夫給事奄逝其妻湯恭人殉節詩以哀之

廿年起草禁垣久萬里兼程驛使催盛壯早驚雙鬢雪耗

磨甘忍寸心灰生前有像真能肖

去年梁河直廬移舍人爲畫像極似

身後

無兒亦可哀猶憶追趨如昨日訃音偏同病中來

聖主臨軒惜此臣

賜金加秩重

恩綸榮叨泉壤魂應感死謝戎行氣尙振

福相國赴臺勦匪欲與給事偕

行以疾甚弗果

結髮痛深連理樹捐軀羞作未亡人晉陵山色輝

坊表

天語旌嘉勒字新

有旨進贈鴻臚寺卿賜銀一百兩湯氏建坊旌節

夏日留京曝直漫興

綸扉晨啟集冠裳元老威儀政事堂偶話

先朝聽歷歷神遊直是到羲皇

謂雲巖相國

日斜雲淨一簾垂綠樹沈沈引夢遲公膳餐餘無箇事斷
蟬聲在乍晴時

長安門外簇停車三日週環守直廬

時同直人少隔三日即夜班一週畢

竟從容還偃蹇塞垣跋馬復何如

斗室何由解鬱蒸葛衫蕉扇小窗憑臣心已自涼如水不

藉頒來內府冰

每年有移牋領冰之例實則直次未設一冰也

秦瀛詩一首

七峯別墅月夜和馮玉圃吏部韻

暮色落空冥衆峯相與青
鐘聲度明月林影散寒星
高閣向山迴鄰扉隔澗
扃閒來感身世天地一浮萍

管世銘詩五十五首

送秦小峴同年觀察浙東

樞庭才彥集落落幾詩人之子
清吟擅能無同調親雞棲
時並轡豹直每均茵忽建高牙去
相思越水濱

浮沈

誤玷承明直浮沈十載強拙筭
空濫隊禿穎枉居囊目自

分臧否心還任激揚小臣於數子或尙有微長

暮春瀑直 西苑

旭日動宮鴉連朝撲面沙氣清初潤麥風定欲蘇花襍破
書攜友周廬墅作家田田荷葉小又從五雲車

機庭紀事

金倉碌碌治符書忽遣簪毫近 玉除分帶六曹專視草
未登五品特垂魚月常半直青綾被歲或三隨 黃屋車
清切此時稱右職只慙郎鬢已蕭疎

直廬有寄

直廬特許北門開視草新班擢上才初地傳衣將百歲昔
賢倚筆已三迴興元赦制加顏讀澤潞軍書運掌裁潤色
王言良不易豈惟前路近中台

扈 蹕秋獮紀事

媿乏凌雲賦子虛又無強記誦亡書精銷自擬勞薪似也
扈金根備 屬車

驛書灤水接都京四日循環有定程連夕雨多遲數刻嶺

頭已遣近臣迎

每日報到遲卽派侍
衛章京過廣仁嶺迎遞

面承

密敕語從容分寫

新綸撰進恭

御筆親增三五字別傳

天語帶硃封

詔草經硃筆更改例應另紙恭錄惟廷寄諭旨卽以硃發

魚龍散樂列瓊筵

視政如常倍覺虔一曲仙韶聽未闕重臣三對

御牀前

萬壽節演劇後視政如常軍機大臣有一日召對數次者

不擇秋蛇與墨豬但期疾速勿遲逾繕完呈本催分寄

有一

旨而傳諭數人者照珍重臨時與過硃

凡恭遇御筆增改遵錄他本

書數紙各寄讀之分寄

者謂之
過疎

方寸瓊函疊紙成綠牌交出記分明

凡引見記名各員吏兵兩部以綠牌交

機庭照錄入存記
匣隨時進御

新來方面開何缺封事先題進空名

書缺

而空其名以待御筆

天書脫稿進堯階加緊郵程計日排

自每日行四百里以至六百里加緊不等

欲印紫泥先請鑰亟繙夾袋出金牌

機庭印鑰例由大臣中行走最前者保帶

取用以金
牌爲合符

舊事分明記阿誰獨難顛末誦無遺試繙隨手當年簿

機庭

總辦謂
之隨手

充棟封題若列眉

檢查舊事必按各
年隨手簿索之

破例恩先契

聖情且教集議付廷評何時部疏纔呈閣預寫詞頭擬准

行

凡直省奏請遷除當上意者雖交部議仍命存記本上時議駁亦擬旨准行

賜果分鮮事疊稠綺紈三品列卿儔

凡頒賜表裏軍機章京例視三品京堂

辛勤視草遲公退克食羹餐輟夕羞

國語恩賞謂之克食

緘縢黃匣付崑崙中有軍書要件存

當直者例滿漢各一人帶要件先候於

尖營以備承旨

今日莫音誰扈直最先跋馬候鳥墩

國語以隨豹尾爲跟

莫音尖營爲鳥墩

內庭章服例優崇貂錦平時借紫同馬上羊羔齊著履祇

披風帽是猩紅

下圍傳

駕左門還在直郎官總立班不向長楊陪羽獵何由親切

天顏

軍機帳房例在幔城之左凡駕由左門入在直章京皆立班

封章絡繹費

天題夕對方終塞日西

行在召見軍機大臣恒在晚膳以後

詔草先成

先進御不須留待十行齊

凡撰擬上者輒詔在六七道以命隨成隨進

請

駕懸知日未暝昨宵披答取重論慢城一片傳呼急恰有

人先直早門

上直有一人最早者謂之早門

交抄

內閣

發遞紙如飛針晷時時視帶圍坐待行廬傳合鑰

散直有一人最晚者以宮門下鑰爲度

珠車燈火照光歸

周監夜直兵弁統關之珠車

行帳安床篷艇齊欠伸常慮打頭低夢回誤聽瀟湘雁卻
是寒駝帶雨啼

晚看白道夕看星十二圍場句曲形忽見塞門山色好插

天依舊馬頭青

圍場以西去以東還

旋蹕欣承休沐恩例容七日澣塵昏

恩蹕初歸例得休澣七日

朝衫

重繫牟尼串雅步趨翔

內右門

內直各官皆進門惟軍機直郎許兼由

門出入

惟憑謹畏直承明緘口仍防出舌輕有問輒將他語亂肯
言溫室樹何名

追紀舊事

語關新故禁銷宜平地吹毛賴護持辨雪仍登天祿閣三

家詩草一家詞

丁未春大宗伯某椅撫王漁洋朱竹垞查他山三家詩及吳園次長短句內語疵奏

請殷禁事下機庭時余甫內直惟請將曝書亭集壽李清七言古詩一首事在禁前照例抽燬其漁洋秋柳七律及

他山宮中草絕句園次詞語意均無違礙當路頗聽其議奏上報可

夏日直留守班卽事雜詩

九夏

鑾輿捺鉢停

見曝書亭集

暫教綸閣合機庭濡毫兼問廊餐地

憑借西頭學士廳

每年借蒙古學士堂爲早直之地

相逢爭說息肩期留務清閒亦恐遲聽徹六更興辨指登

車略後早朝時

馮玉圃同年嘗見語曰每日晨興總以幃中辨指爲度

依然三日上更番過午何人共掖垣睡起斜陽滿宮樹晴

蟬乾鵲一時喧

膏澤應知

帝念殷朝朝籍記等書雲今年暘雨多時若少有飛書附驛聞

直房 朶殿最西偏岸幘深衣聽自便今日相公親宿衛近晡冠帶候文淵

隨單公件束縱橫事蹟難詳部寺門各聽所由將領去只令官簿自書名

機宜文字稿連蜷紙斷行斜半不全隨報卷還窺約略仍同省樹不輕傳

每及清涼趁早衙日高意已厭輕紗西園不到剛三月虛

負薰風紅白花

七峯別墅口占

西園襍破久如家無復城南載酒車
猶喜詩情有供養上樓山色下樓花

樞垣記略卷之二十

樞垣記略卷之二十一

詩文二

裘行簡詩二十五首

上元後一日退直七峯別墅次馮玉圃前輩韻

春光滿蓬瀛生意盡融洽羣花蒙澤先含苞已防拍暖通
躍沼魚欣動藏池鳴町畦聚黃冠古語興畚鍤土膏舊潤
滋又荷新恩恰千頃鋪銀囊輝映珠騰匣卽景擘蠻箋火
急追述劄玉圃詩係直
次促成者聲牙韻詰屈如灘聲轉峽律陣誰
舉旗研焚余棄甲退直得餘閒涉筆聊謔狎計日城南遊

花應盈擔壓

同程愛廬日直

瀑直承明載筆俱五更鐘每聽紆徐羨君百斛才扛鼎媿
我三年仕濫竽過眼隙駒驚老大關心歸雁夢江湖尋芳

擬共城南去指點春光在畫圖

愛廬有春深花
覆讀書處圖

隨從木蘭次馮玉圃前輩韻

匆匆誰唱贈行歌又度羊腸九曲河滿篋征衣餘野馬一
身生計倚封駝山連遠塞高低接人到中年聚散多去住
都爲官事繫

玉圃以纂
書留京

尊鱸鄉味近如何

豹尾曾同扈從儔 仙莊橐筆日追遊

昨歲同玉關
隨從熱河

關心

夜燭兼晨漏 賭唱長歌更短謳
歲月只隨鴻爪幻 雲山又見雉媒秋
黃花重九年年負 選勝輸君醉墨留

灤陽中秋集戴蓮士太史寓齋次汪首禾前輩韻

丹嶂千重水一崖 山川猶是歲時加
舊遊似燕春尋壘小 集如鷗晚聚沙
袖裡詩篇堪作伴 眼前風月不須賒
明朝

騎馬興州道又聽邊秋起暮笳

十六日
進哨

題畫次程也園考功韻

蠻箋十樣競抽毫 律陣詞壇繼水曹
舊雨重陪敲玉佩 幾

人得路賜緋袍

再直樞庭當日同事
諸君多躋清要矣

誰憐老圃秋同淡漫

出商音語變騷珍重花期莫辜負城南沽酒費錢刀

五月十八日夜直

夜直分班各一遭年年橐筆占郎曹風傳更鼓天街迴星
傍觚稜月殿高蔭隔疎簾成薄醉涼生團扇效微勞流螢
點點緣堦砌伴我吟情映紫毫

九月趨直香山

瑤池蓬島景全收覽勝還登最上頭鏡裏樓臺分縹緲仙
家雲樹自清幽誰言官事無佳興畢竟勞人得壯遊多少

城南探菊客笑他只爲蟹螯留

次韻答沈舫西直廬

騷壇誰繼隱侯風家世原推八詠雄
雨歇螭頭金錯落涼生殿角玉丁東
人緣當制摛詞典詩有真情和韻工
想簞鳶肩閒灑翰鑪烟細裊墨池中

贈戴蓮士宮庶

誰道文章可富身劇憐囊橐愈清貧
諸生徧入東風座遙海爭雄大雅輪
知制誥階唐翰苑副樞密秩宋詞臣
科名不愧通才選落落前頭代幾人

次管韞山侍御中秋夜直韻

搖鞭纔別古興桓
鏘佩旋瞻豸角冠
賦就秋聲人蘊藉
燈移蓮影地高寒
九門夜肅黃金鎖
三殿光生白玉盤
想見烏絲揮彩筆
幾回寫罷自尋看

元日直廬

祥開淑景紫雲鋪
鷺序鴛行次第趨
日麗元辰春已透
人傳吉語笑相呼
鳴珂直散鑪烟靜
瞻

詔恩濃墨沼酥

直隸河南山東三省俱奉恩旨展
賑於次日頒發是日先期恭錄

自詔

小臣依

禁近太平無事筆先濡

樞庭事件皆標於冊曰
隨手登記元旦則裝釘

新冊敬書太平無
事四字於冊端

疊前韻答沈舫西工部

花磚退直日斜晡步履年年
祕殿趨春入蠻箋增跌宕
酒濃銅葉擬招呼放懷似我狂
猶昔搦管因君潤欲酥爲
語東陽人太瘦淋漓大筆莫頻濡

五月二十八日直廬夜雨偶作

頓喜涼颼掃熱塵扶疎繞屋挂天紳
攤書岑寂燈花暗問
夜慙慙漏滴眞但見蠅頭鑽故紙
幾曾車脚悔勞薪由來
郎署容瀟灑何事馮公感嘆頻

雨夜懷程也園吏部錢裴山農部鮑樹堂中翰

青瑣芸香紫塞烟關情兩地一緘傳懷人動感三秋賦示

疾難奈五味禪

近以腹疾節飲食

以外窮通原自在此中勞逸各

隨緣

留京考每日寅入內閣聞梁河諸君頗暇

無端棖觸蕭蕭雨密樹蒼涼入

暮天

次錢裴山見寄韻

麗正門趨劍佩身仙才合奉屬車塵隸傳程邈三千字

瑟鼓湘靈第一人

君工篆隸以鼓瑟希三句題試禮閣第一

今古抗懷高論劇

雲山到手臥遊眞

兼工繪事

高城漸聽秋砧起我亦行裝檢點

頻

磨盾袖臺紫塞行由來能事屬書生人如社燕年年至居

似秋枰局局更

點賜寓居向來前後皆預爲指定互相更換

畫譜詩牌閒裏趣

關風伏雨客中情我懷君日君思我兩地開緘四韻成

七月二十四日灤河起程作

一年一度代更番旅壁常看舊句存路繞重山迷向背秋

爭餘暑迭寒暄隴秦恍惚嚴軍令將帥頻仍沐

主恩慚媿小臣無報稱濡毫揮汗寫

綸言

題舊存便面

此乾隆癸丑年西苑直廬同人書畫也後以筆敝裱
爲軟幅藏之笥中亦幾忘之矣今檢點書篋忽得此
幅因思馮寶菴給諫已歸老錫山村夔山侍御已作
古人程也園考功以憂歸里盛孟巖侍御出守同州
錢裴山祠部督學粵西昨任滿回京復入樞庭而此
內未經與題者夔山所謂與之對奕之注首禾今任
蘇州方伯與之同觀之素蘭畦今觀察關中孟巖所
謂先歸偃臥不及同觀之沈舫西今爲泰安太守癸

丑距今甫十年俯仰間已不勝聚散之感率題二詩
以誌慨嘆云爾

誰道煙雲易變遷煙雲滿幅尙依然只今筆墨聯同調故
紙重看已十年

承明瀑直聚郎官偶爾閒情感筆端離台浮蹤風雅事一
時惆悵墨千丸

曾煥詩二首

木蘭從獵酬曹儷笙同年寄懷韻

河如隴坂羊腸曲

木蘭有河
名羊腸

天似穹廬雁塞寬曉拂霜華

千帳濕夜明獵火四山寒才非獻賦空操管

恩許分鮮每壓鞍不負此行緣底事丹崖碧樹飽經看

除夜 禁中宿直

斗柄初迴 鳳闕間松盆徹夜照清班

九重真覺春先到萬戶誰如我最閒南畝占年翻雪壤西
師送喜過天山書生何補昇平業歲月催人鬢白斑

關槐詩二首

八直軍機處呈同直諸公

縹緲鑪煙 禁籞春更番密勿掌絲綸起家詞賦皆先澤

報國文章在此身
遊侶祥麟威鳳集
圖書朱戶綠窗陳
一從奉

召歸樞掖尺五天
低雨露新

同邵海度吳槐江夜行蓮花套

山行百折躡層梯
磴道盤旋入望迷
驛嶺衝雲同走馬
荒村落月又鳴雞
五更清景三人共
一望寒煙萬木齊
差喜行營封事少
懸厓翠壁待分題

錢楷詩三首

七峯別墅晚望

木
地
言
明
卷
二
一
一
獨立蒼茫興不孤
暫時塵眼對菰蘆
滿天秋氣雨霏夜
隔岸人家燈照湖
楊柳六橋碧活脫
芙蓉兩角青
模糊箇中許
著烏篷舫便泝煙波作釣徒

九日 靜宜園曉直

玉泉西去路逶迤
馬上乘船趁早暉
人海不知秋已老
重陽如此古來稀
風驅落葉滿山響
石迸流泉行逕微
腰脚非關萸菊健
鞭絲還逐暮鴉歸

和馮玉圃小除夕同夜直韻

楊列東西戶不扃
一冬幾共此燈青
學疏蒼雅繙書推
言

盡韋絃破睡聽無事福同清蘂月舊遊塵憶玉堂鈴長安
爆竹千門響憑送春聲到 禁庭

吳俊詩十三首

七峯別墅雜詠

楸

撼撼似私語瑟瑟嘲孤吟赤日不到地暗蟲相追尋我夢
爾來擾我愁爾來侵勢欲闊一畝羣枿爲之喑啁啾初生
鳥十百巢其陰一雨淹半月濕竈不得燂而爾工簸弄蔽
虧斗與參欲鋤且未可留以障炎侵

棗

兩見初花時今來復掇實倚梯升其顛百勞饜一逸舍人
腰腹瘦奉職載慄慄退直無一事食棗愈食蜜能令肝脾
調亦使頭髮漆欄邊捕螳螂石罅尋蟋蟀飽食自栩栩都
忘沐與櫛叮嚀告園丁壅漑罔缺失須防根穴螳還恐皮
處蝨明年四五月花復照我室

松

窗前松兩株鱗脫爪則存亦欲自吟嘯失勢噤難言毒枿
紛怒出蔕莖亦已蕃如何夭矯姿因此籠與樊怒雨走霹

靄黑雲驚奔翻衆木盡瘡啞而能舞軒軒酹爾一杯酒寫我心鬱煩

柳

絲疎不受櫛條空不禁舞風月湊衆芳獨爾忝儕侶平生煙霧姿能事在媚嫵一旦髡其顛焉能僞疎古人皆施斧斤吾意頗未許引泉培其根伐莽壅以土夫豈真汝憐聊用相存汝棄取了無與榮悴自其所稍稍腰肢成嫋然弄春雨便有無窮人辛苦學張緒

新年初至 西苑次玉圃韻

西山入新年漸與人意洽草木雖未華生氣已可招東風
吹冰池得意是花鴨走車鬬鱗鱗坐鳥競恰恰霞林鞋裼
裝月館琉璃匣橐筆侍法從能事在草劄兩肩堆春嵐千
言寫急峽嘗醴溫挾纊擘柚香透甲致身到蓬萊笑語仙
靈狎作詩歌太平五字疇我壓

七峯別墅月夜次玉圃韻

春月轉冥冥春燈獨自青假山半潭霧空水一房星樹迴
難爲影鐘疎不受局同心鷗與鷺相伴語枯萍

形影神相贈松風淪我魂倦眠衾似衲公退屋如村燥吻

傾醪潤寒吟篝火溫偶然茶吐納兩手握關元

贈盛子孟巖駕部

駕部作字不脫彊波磔細碎毫毛收指節力可挽萬牛清
絲入手亮以適橫笛吹破天悠悠仰面飲露調其喉絲竹
不到喉所周文士簡默處女羞難進易退懷好修忽然搗
羽風颼颼三矢疊出應鼓枹瞥若怒隼追清秋洞然有聲
蓋在侯

天子動色三諮諏虎賁觀者駭且愁引弓欲發還躊躇而
君退出神夷猶握管依舊書不休大抵其人非世侔

七峯寓樓卽事

紅荷萬柄瀉珠圓翠柳千絲作舞便東沼夕陽西沼暝前
山決溜後山泉連翩踏雨巾頻墊頃刻裁麻袖屢搥天與
吾曹小休沐蘆簾隔暑硯生煙

秋來賽食漢陂魚萬頃昆明浸碧虛水荇風蒲飛鳥外翠
筍清醕嫩涼初好風便旋常依馬斜漢翻瀾欲洗車身是
玉皇司案吏晚歸人羨屋渠渠

七峰別墅係屬漢章京散直憩息之所異數諸曹

所無也

雨後赴西苑

惺忪曉夢背秋城乍有涼颼便旋迎天放好晴娛薄宦蟬
吟殘暑誚勞生馴如白鷺因機息淡到青山是骨清一沼
圓荷兩堤柳者番稍覺亭衣輕

七峯別墅海棠一株余及見其繁今不花且萎矣

春風淒斷月縱橫猶見當時照眼明大抵不花還有魄由
來無命爲多情曾迷坐樹鶯兒夢依舊穿簾燕子聲弱柳
頑桃都得意相將枯影傍南榮

園中晚直

殿門側左繚垣紆曉日松陰冉冉敷乍可游仙難覓枕偶

因憶事輒亡珠人將白鶴精神健辭與青山體骨殊身坐
清嚴無暑地一更鐘漏動蓬壺

程同文詩十三首

射圃落成紀事

在七峰別墅之西

劣容百丈規爲圃挂甲屯西此一隅草引頽垣曾過馬樹
遮簪井舊窺烏百年興廢誰能料兩月經營頓覺殊散直
蕭然有佳處手成他日儻思吾

襍被西園舊寓廬近通一巷得幽居井華足灑平莎徧庭
蔭還因老樹餘牆外雲山隨隱露室中几榻自清虛時平

竊幸樞垣暇萬里飛馳少奏書

西苑觀同直諸友習射

困熱鹽車不自由
竭來盤礴共吾儔
狂呼角勝馬從馬
生力挽強牛戴牛
酒實漏卮那易醉
詩扛健筆未能休
老夫忽覺豪情減
猿臂回思束髮秋

聞校射

御閱有期用前韻勸習射諸友

五射周人貢舉由
有如對策勝其儔
當今校此及鷁鷺
於古事非相馬牛
官列扈從常得與
習當爆直趁方休
上

方孔翠誰承

賜策騎榆關耀素秋

疊前韻賀趙菊言吏部

疊奎

得翎

聖處能窺楚養由翩然儒雅渺無儔會心桑女俄穿蟻妙
手庖丁善解牛內定固應操百勝卓登久已歷三休得驍
真博天公笑看取 宮門拜

賜秋

同日強綺園水部

逢泰

得翎索詩疊前韻奉賀

褒忠奕葉

主恩由二十爲郎世寡儔 禁院卻來依五鳳勳階本合
佩千牛簪毫日直書先學匣劍宵鳴志未休校射 宮門
好身手時平絕塞罷防秋

七峯退直同梁茵林儀部作

罷直日移午解衣煩暑清窗閒少蠅集院靜未蟬鳴獨樹
剩天濶微雲當晝明忘言似君少共此一編橫

夜出古北口道中避雨失路

月黑路西東林端虎嘯風鬼燈深夜碧野燒亂山紅雨脚
紛隨馬雷聲殷在空短衣懷李廣意氣爲誰雄

常山峪行帳夜半雷雨索荳林和

疾雷破山出驟雨橫空來殘暑勢猶盛得此大敵摧吾衰
尤苦熱披襟一快哉似聞僕夫歎登陟我馬頽睡美不復
問醒時雲已開印須且並轡馬前月徘徊

送荳林出守荊州

梧桐生高岡託根貴得地駿足騁長坂遠到始吐氣因材
須彼蒼官人仰大智自非才命齊焉得時會值荳林我至
交相期久此意浮沈郎署間此豈造物意晨興拍手笑果
見除日至鳳池雖讓人黃堂官不細惟君特立操能掾末

俗敝惟君易簡德能溥斯民利旗常已有憑節鉞待所致
政成定傲我冷官一無濟飛騰期故人樹立作大器不妨
我老衰側聞喜不寐

桓桓古南郡形勝天下雄往者戛戈刃戰氣妨春農承平
頗無事鎮守煩上公禁旅扼右臂度支甲南中重關控鄢
郢權稅三巴通筦領非其人難免物議叢此邦況澤國適
當江漢衝隄防歲勞費沙洲日穹崇秋濤壓城來往事堪
騰訂保障非其人其魚歎焉窮變幻競鼠雀哀嗷多雁鴻
非威曷允濟非惠難爲功書生能了事上徹

耳目聰肯讓韓荊州虛聲獨隆隆

憶君始入直本無赫赫名貌簡言復訥資淺望尙輕要津
多俊異而君泊無營時賢喜通率而君靜自矜同儕動相
訝笑非用世英我獨心爲儀謂此非無能仕途日骯髒賢
者方錚錚正當資表率詎可加譏評況我喜談藝得君肝
膽傾鴻文各無範懷抱時崢嶸天山聞見奇史局丹黃精
君在方略館纂修西域圖志及校勘選金元三史議論多與鄙見相合公餘更矻矻楮墨尤
縱橫君退直後仍手不釋卷定知敷政優仕學能兼并嗟予離索居
何由慰悻悻報政君必速壯遊我或成青眼重高歌良會

歡平生

游我識君初在嘉慶四年射策忝前塵蘭譜因牽連

余與君從

兄曼雲編修爲己未會試同年

是時君甫冠玉樹臨風前搏沙一再聚君

亦瀛洲仙比趨東華路尤欣形影聯君懷愈謙抑我乃甘
執鞭東擗遼海雲西踏關塞煙每行必並轡每食不敢先
惟君有恒德儕輩無間言

君入樞庭最稱勤慎進止不失尺寸歷五年如一日余以有恒

稱之樞長及諸同人咸以爲允也

周旋半廉讓盤錯彌靜專謬謬風在松

朗朗月印川但以才藝稱猶嫌所見偏一麾萬事來素蘊
當畢宣我言非阿好行矣須勉旃

樞垣記略卷之二十一